



Լիբանանեան Լուրեր

Մինչ Լիբանան Կը Տուայտի Իր Ճգնաժամին Մէջ Արաբական Աշխարհը Կը Յայտնուի Ռուս- Ուքրաինական Տագնապին Մէջ Կամ. Ի՞նչ Կ'ուզեն Արաբները Նաւթի Արտահանումը Աճեցնելու Դիմաց. Wall Street Journal

Ամերիկեան «The Wall Street Journal» թերթը յայտնած է, որ Սեուտական Արաբիոյ գահաժառանգ արքայազն Սոհամմատ պըն Սալմանը եւ Ապու Տապիի թագաժառանգ Սոհամմատ պըն Չայէտը հրաժարած են հեռախօսազանք ստանալէ ԱՄՆ նախագահ Ճօ Դայտընէն:

Պարբերականը կը մատնանշէ, որ «Դայտընը մտադիր էր կապ հաստատել պըն Սալմանի եւ պըն Չայէտի հետ՝ խնդրելով աւելցնել իրենց երկիրներու նաւթի արդիւնահանումը»:

Ան նշած է, որ պըն Չայէտը եւ պըն Սալմանը անցեալ շաբաթ զրուցած են Ռուսաստանի նախագահ Վլատիմիր Փութինի եւ Ուքրաինոյ նախագահ Վլատիմիր Չելսնսքիի հետ՝ յաւելելով, որ ԱՄՆ-ն եւ Սեուտական Արաբիան կը հրաժարին աւելցնել նաւթի արդիւնահանումը եւ հաւատարիմ մնալ «ՕՓԵԶ»-ի եւ խումբ մը արտադրողների կողմէ հաստատուած ծրագրին՝ Ռուսաստանի ղեկավարութեամբ:

The Wall Street Journal-ը կը նշէ, որ պըն Սալմանի եւ պըն Չայէտի՝ Դայտընի զանգէն հրաժարումը կ'արտայայտէ անոնց դժգոհութիւնը Եմէնի պատերազմին Ուաշինկթընի աջակցութեան չափէն, ինչպէս նաեւ՝ Վիեննայի բանակցութիւններէն:

Շաբ. Էջ 08

ՅԱՅՏԱՐԱՐՈՒԹԻՒՆ



Կը Թելադրենք Մօտիկին ու Հեռուին՝ Երկաւորի Սուր Չգործածել

Երեկ, Լիբանանեան մամուլին մէջ հանդիպեցանք ՌԱԿ Լիբանանի Շրջանային Վարչութիւնն ու անոր ատենապետը, իբր թէ վարկաբեկել փորձող ցնորամիտ յանկերգ մը:

Պատճառը ըստ երեւոյթին կողքի սիւնակին մէջ տեղ գտած՝ ընկ. Յակոբեանի յանդուգն ու տեղին յայտարարութիւնն էր շնորհուած նոյն այդ մամուլին: Յայտարարութեան անկեղծ բովանդակութիւնը նեղացուցած ըլլալու է անոր մէջ ակնարկուած՝ նախընտարական օրերուն եւ ընդհանրապէս, արդէն իսկ շփոթի ու խուճապի մատնուած կուսակցութիւնը: Կուսակցութիւն մը, որ ընկ. Յակոբեան որոշ փափկանկատութեամբ մը չէր անուանած:

ՌԱԿ-ի Լիբանանի շրջանակին մէջ բուսած հերձուած մը՝ մանկւալիկը ակնարկուած կուսակցութեան, երեւի դարձեալ հենելով նշեալ կուսակցութեան խարխլած սիւներուն՝ փորձած էր առիթէն օգտուիլ: Առ այս, օգտուելով Լիբանանի մամուլի օրէնքին ընձեռած պատասխանի իրաւունքէն, այսօր իսկ նման յերկրածոյ նիւթեր տարածողներուն պատշաճ պատասխանը կը տրուի:

Մինչ այդ յարմար կը տեսնենք ազնուօրէն զգաստութեան կոչ ուղղել բոլոր անոնց, որոնք նման աժան միջոցներու կը դիմեն ինքնահաստատումի նպատակներով: Այս առիթով, կը թելադրենք մօտիկին ու հեռուին՝ երկաւորի սուր չգործածել, եթէ իրենց վրայ վերցնել չեն ուզեր անոր հետեւանքներուն ամբողջ պատասխանատուութիւնը:

ՌԱՄԿԱՎԱՐ ԱԶԱՏԱԿԱՆ ԿՈՒՄԱԿՑՈՒԹԵԱՆ
ԼԻԲԱՆԱՆԻ ՇՐՋԱՆԱՅԻՆ ՎԱՐՉՈՒԹԻՒՆ

ՅԱՅՏԱՐԱՐՈՒԹԻՒՆ

Այլամերժութիւնն ու Նեղմտութիւնը Անհանդուրժելի Երեւոյթներ են. Սեւակ Յակոբեան ՌԱԿ Լիբանանի Շրջանային Վարչութեան Ատենապետին Յայտարարութիւնը



Այլամերժութիւնն ու նեղմտութիւնը մեզի համար անհանդուրժելի երեւոյթներ են որոնց դէմ պայքարած ենք միշտ:

Ցաւօք սրտի, լիբանանահայ կեանքին մէջ կայ կուսակցութիւն մը, որուն կը թուի, թէ Հայ ըլլալը իրեն վերաբերող առանձնաշնորհում է: Այս պարագան անշուշտ այլամերժութեան ծայրայեղ վիճակ է, որ կը բանեցուի տուեալ կուսակցութեան կողմէ:

Խօսքը Լիբանանի քաղաքական կեանքի մէջ եւս տարիներէ ի վեր ի գործ դրուած ցաւալի իրականութեան մը մասին է. այլամերժութիւնն ու անհանդուրժողականութիւն, որոնք տուեալ կուսակցութիւնը բնորոշող յատկանիշներէն են:

Այս հարցին մէջ մենք ունինք դառն փորձառութիւնը խնդրոյ առարկայ կուսակցութեան հետ: Այդ կուսակցութիւնը ժամանակին չէր կրցած հանդուրժել մեր կուսակցութեան երեսփոխանական թեկնածու, ապա արժանաւորապէս ընտրուած՝ ընկեր Յակոբ Գասարճեանին եւ այլոց, որոնց գաղափարականը չէր համընկնիր իր գաղափարականին հետ:

Այլամերժութեան միեւնոյն տրամաբանութեամբ ու միջոցներով խնդրոյ առարկայ կուսակցութիւնը, այսօր կը պայքարի երեսփոխանական յառաջիկայ ընտրութիւններուն թեկնածու՝ Փոլա Եագուպեանին դէմ, զինքը պիտակաւորելով, որպէս ո՛չ Հայ:

Այդ կուսակցութիւնը ինքզինքին իրաւունքը տուած է «ազգային տարրալուծարան» մը ըլլալու: Ինքզինքին վերապահած այս ծիծաղելի հանգամանքով ան կամայականօրէն «արեան քննութիւն» կը կատարէ եւ Հայ ըլլալու կամ չըլլալու վկայական կու տայ մարդոց: Այս մէկը, ընթացք մըն է, որ բացարձակապէս կը մերժենք: Աւելի եւս կը մերժենք հատուածապաշտութիւնը երկրի մը մէջ, որուն սահմանադրութիւնը յստակօրէն կը նշէ, որ երեսփոխան մը երկրին երեսփոխանն է եւ ո՛չ հատուածի մը:

Հետեւաբար, այսօր մեր դիրքէն եւ միանգամ ընդմիշտ կը յայտարարենք, որ այն ինչ, որ ժամանակին չընդունեցինք մեզի համար, կը մերժենք նաեւ ընդունիլ, որ այսօր, Փոլա Եագուպեանին կամ այլոց դէմ գործադրուի: Մենք հպարտ ենք յայտարարելու, որ Փոլա Եագուպեանը, որպէս Հայ ազգի արժանաւոր զաւակ, կը ներկայացնէ Ռամկավար Ազատական Կուսակցութիւնը: Նոյն տրամաբանութեամբ ալ մենք, մեր կարգին զինք կը ներկայացնենք եւ իր համալիբանանեան սկզբունքները կը բաժնենք: Այս անգամուայ համար կը բաւարարուինք յայտարարելով այսքանը: Յոյսով ենք, որ կարգ մը մարդիկ իրենց մօտեցումն ու վերաբերմունքը կը բարեփոխեն յանուն արդար, քաղաքակիրթ եւ լիբանանեան իրականութեան մէջ դրական լուրջ փոփոխութիւններու տեսլական ունեցող երեսփոխանական ընտրութիւններու, որուն կայացման շեմին կը գտնուինք մենք այսօր:

ՀԱՂՈՐԴԱԳՐՈՒԹԻՒՆ

Աւարտուեց Գերագոյն Հոգեւոր Խորհրդի Ժողովը

Մարտի 7-10-ը Մայր Աթոռ Սուրբ Էջմիածնում, Ն.Ս.Օ.Տ.Տ. Գարեգին Երկրորդ Ճայրագոյն Պատրիարք եւ Ամենայն Հայոց Կաթողիկոսի նախագահութեամբ, տեղի ունեցաւ Գերագոյն հոգեւոր խորհրդի ժողովը:

Ամենայն Հայոց Կաթողիկոսի ողջոյնի եւ օրհնութեան խօսքից յետոյ ժողովի նիստերն ատենապետեց Արեւմտեան Եւրոպայի Հայրապետական պատուիրակ Տ. Խաժակ արքեպիսկոպոս Պարսամեանը:

Ժողովին քննարկուեց Մայր Տաճարի հիմնանորոգութեան եւ ամրակայման աշխատանքների ընթացքը: Կատարուած աշխատանքների վերաբերեալ հանգամանալից տեղեկութիւններ փոխանցեց Մայր Աթոռի վանական խորհրդի ատենապետ եւ լուսարարապետ Տ. Մուշեղ եպիսկոպոս Բաբայեանը: Մայր Տաճարի վերանորոգման նպատակով կազմակերպուած հանգանակութիւնների եւ անհրաժեշտ միջոցների հաւաքագրման ընթացքի մասին զեկոյց ներկայացրեց ԱՄՆ Արեւմտեան Հայոց թեմի առաջնորդ եւ հանգանակութեան յանձնախմբի ատենապետ Տ. Յովնան արքեպիսկոպոս Տերտերեանը:

ԳՀԽ ողջունեց կատարուած աշխատանքները, կարեւորեց Մայր Տաճարի հիմնանորոգու-



թեանն ուղղուած ջանքերը եւ ներդրումները՝ յոյս յայտնելով, որ այն առաջիկայում դռները կբացի բարեպաշտ ժողովրդի առջեւ:

Ժողովի ընթացքին զեկոյցով հանդէս եկաւ նաեւ Կ. Պոլսի Հայոց Պատրիարք Ամենապատիւ Տ. Սահակ արքեպիսկոպոս Մաշալեանը, ով ներկայացրեց պատրիարքութեան առկայ կացութիւնը: Ամենապատիւ Սրբազան Հայրը տեղեկութիւններ փոխանցեց պատրիարքութեան հոգեւոր դասի, եկեղեցական կառոյցների, ծխական համայնքների, կրթօջախների գործունեութեան վերաբերեալ:

Ժողովականներին Արցախի սրբավայրերի պահպանութեան ուղղութեամբ Մայր Աթոռի կողմից իրականացուող աշխատանքների եւ առաջիկայ ծրագրերի վերաբերեալ

համապարփակ տեղեկութիւններ ներկայացրեց Մայր Աթոռի Արցախի հոգեւոր-մշակութային ժառանգութեան հարցերով գրասենեակի տնօրէն Տ. Գարեգին վարդապետ Համբարձումեանը: Հայր Սուրբն ընդգծեց, որ գրասենեակի գործունեութեան հիմնական նպատակն է յուշարձանների պահպանութեամբ զբաղուող միջազգային կառոյցների, պետական պատկան մարմինների, ինչպէս նաեւ միջեկեղեցական կառոյցների եւ Զոյր Եկեղեցիների ուշադրութիւնը հրաւիրել Արցախի յուշարձաններին սպառնացող վտանգների եւ դրանց պահպանութեանն ուղղուած ծրագրերի անհրաժեշտութեան վրայ:

Շաբ. էջ 07



Պատմութեան Մէջ Այսօր

Տիգրան Շիրինեան



Տիգրան Շիրինեան (12 Մարտ 1923, Կոստանդնուպոլիս, Օսմանեան Կայսրութիւն - 10 Դեկտեմբեր 2003, Հռոմ, Իտալիա), Հայոց ցեղասպանութիւնը վերապրած կեսարացի կաթողիկէ Միհրան եւ Եղիսաբեթ Շիրինեաններու ընտանիքը:

1942 թուականին Պոլսոյ պապական նուիրակ Անճելոյ Ռոնալտիի (յետագային՝ Հռոմի պապ Յովհաննէս 18-րդ) միջնորդութեամբ կը տեղափոխուի Միլան՝ ապաստանելով հօրաքրոջ՝ Զեհեաններու ընտանիքը:

Աւարտած է Միլանի փոլիթեքնիկական հաստատութեան ճարտարագիտական կաճառը, որմէ յետոյ գործուղուած է Հռոմ: Տաղանդի եւ աշխատասիրութեան շնորհիւ ան կարճ ժամանակի գիտական լուրջ ձեռքբերումներ կ'ունենայ տիեզերական ճարտարագիտութեան եւ իտալական ռազմական օդուծի բնագաւառին մէջ: Ան կը դառնայ Իտալիոյ զինուած ուժերու բարձրաստիճան սպայ: Երիտասարդ հասակին կը դառնայ Հռոմի Լա Սապիենցայ համալսարանի տիեզերագիտական ճարտարագիտութեան փրոֆեսոր, միաժամանակ՝ ռազմաօդային ուժերու վերահսկիչ զօրաւար:

ՀԱՂՈՐԴԱԳՐՈՒԹԻՒՆ

Ն.Ս.Օ.Տ.Տ. Արամ Ա. Կաթողիկոս Ընդունեց Միջին Արեւելքի Եկեղեցիներու Խորհուրդը Ներկայացնող Պատուիրակութիւնը

Ուրբաթ, 11 Մարտ 2022-ին, Ն.Ս.Օ.Տ.Տ. Արամ Ա. Վեհափառ Հայրապետը ընդունեց Միջին Արեւելքի Եկեղեցիներու Խորհուրդը (Մ.Ա.Ե.Խ.) ներկայացնող պատուիրակութիւն մը, գլխավորութեամբ ընդհանուր քարտուղար դոկտ. Միշել Ապսին:

Պատուիրակութիւնը նախ ընդհանուր զեկոյց մը փոխանցեց Վեհափառ Հայրապետին, Մ.Ա.Ե.Խ.ի աշխատանքներուն եւ յառաջիկայ ծրագիրներուն շուրջ, ապա հրաւիրեց Նորին Սրբութիւնը ներկայ գտնուելու Եգիպտոսի մէջ տեղի ունենալիք Մ.Ա.Ե.Խ.ի ընդհանուր համաժողովին եւ իր խօսքը ուղղելու:

Վեհափառ Հայրապետը ողջունելէ ետք պատուիրակութեան



անդամները, կարեւորութեամբ շեշտեց Մ.Ա.Ե.Խ.ի նոր մղում տալու անհրաժեշտութիւնը, ինչպէս նաեւ նոր ծրագիրներ մշակելու ու աշխատանքներ իրագործելու անյե-

տաճգելի հրամայականը, յատկապէս շրջանը եւ եկեղեցիները դիմագրաւող ներկայ մարտահրաւերներուն դիմաց:

ԳՐԱԴՈՒՄ ՕՐ



**Թեքեան Մշակութային Միութիւն
Լիբանանի Տեղական Վարչութիւն**

**Եղիշէ Զարեանցի
125ամեակ**

6 Ապրիլ 2022



ՌԱԿ-ի Համադրուած Մամուլ

Ռուսների հաղաղ Ներխուժումը Հայաստան

ՅԱԿՈԲ ԱԲԵՏԻՔԵԱՆ

Երկիր	Ավիաընկերություն	Մոդել	Քվոտա	Ժամ	Կայան
ARMENIA	ԱՄՍԿԱՎ	SVO	NWS 219	04 13:35	13
ARMENIA	ԱՄՍԿԱՎ	SVO	NGT 931	04 13:40	13
ARMENIA	ԱՄՍԿԱՎ	VKO	NGT 925	04 14:00	14
ARMENIA	ԱՄՍԿԱՎ	IKK	BA 222	04 14:15	14
ARMENIA	ԱՄՍԿԱՎ	SVO	KAR 2771	04 14:30	14
ARMENIA	ԱՄՍԿԱՎ	SVO	EO 1971	04 14:30	14
ARMENIA	ԱՄՍԿԱՎ	VKO	AZO 9229	04 15:00	15
ARMENIA	ԱՄՍԿԱՎ	DME	IAE 769	04 15:30	15
ARMENIA	ԱՄՍԿԱՎ	LED	LLM 9589	04 15:30	15
ARMENIA	ԱՄՍԿԱՎ	LED	FV 6921	04 15:45	15
ARMENIA	ԱՄՍԿԱՎ	KLF	A4 609	04 16:00	16
ARMENIA	ԱՄՍԿԱՎ	VKO	3F 322	04 17:00	17

Սիլաչիի գիւղատնտեսական շուկան (ԳՈԻՄ) ցնծութեան մէջ է, նկատի ունենալով այն հատուածը, որտեղ սիրուն՝ ես կ'ասեի գեղարուեստական ձեւաւորումով փաթեթաւորուած չոր մրգեր են վաճառու, գեղեցիկ դասաւորուած թարմ պտուղներ, մեղր, տնական օդի ու լաւաշ: Ռուսներն են եկել: Շուկայի այս մասում վաճառողուհիները չունեն խեղճ տեսք, հագնուած են կոկիկ, տեղը տեղին շաքարուած: Վարժ ռուսներն են խօսում: Զառք սուղուխից մի մեծ կտոր պոկելով՝ գնորդներին քաջալերում են համեստել, վստահ՝ որ ռուսները գնելու են: «Ռուսները գերմանացիների ու միւսների պէս սեղանները նկարելով չեն բաւարարուում, մեծ գնումներ են անում ու չեն էլ սակարկում,- ասում է վաճառողուհիներից մէկը եւ աւելացնում,- համ էլ տարուայ էս եղանակին ո՛վ էր տեսել էսքան յաճախորդ»:

Նախորդ շաբաթավերջին էր, որ ռուսների մեծ խմբեր եկան Երեւան, ըստ կիսապաշտօնական տուեալների՝ մէկ օրում աւելի քան 30 ինքնաթիռ է վայրէջք կատարել «Չուարթնոնգ» օդակայանում: Հիմա նրանք ամեն տեղ են, նկատի ունենալով մայրաքաղաքի կենտրոնը: Ցնծութեան մէջ են նաեւ հիւրանոցները, սրճարանները, արագ սննդի կետերը: Ծանրաբեռնուած են աշխատում նաեւ պանքերը, յատկապէս քարտային սպասարկման պատուհանիկները: Ռուսներն ու տեղացի հայերը ձեռք գիտեն քարտից քարտ հաշիւները փոխանցելու, Ռուսաստանում արեւմտեան պատժամիջոցների տակ ճկրտող գումարներից ինչ-որ չափաբաժին «ազատագրելու»:

Ռուսները պանքոմատներից գումար հանելու համար չեն եկել միայն. նրանցից ոմանք այստեղից են ուզում շարունակել միջազգային ֆինանսատնտեսական եւ այլ կազմակերպութիւններում իրենց աշխատանքը, ուրիշներ՝ օտարերկրեայ դեսպանատներում իրենց փաստաթղթերն ու գործերը լրացնելու: Ու տակաւին ուրիշներ, յատկապէս երիտասարդ զոյգեր, Մարտի 8-ի առթիւ ժամանակ անցկացնելու: Ու թէեւ դաւադրական տեսութեան մեր կարկառուն ներկայացուցիչները նրանց Հայաստան գալը դիտարկում են որպէս ինտերվենցիա, Նոյնիսկ՝ գործակալական խմբերի ներթափանցում՝ երկիրը ներսից գրաւելու յատուկ ծրագրով, սակայն պարզ, շատ պարզ տրամաբանութիւնը յուշում է, որ ռուսաստանցիների մեծամասնութիւնը, պոյքոտի եւ համաւերոպական աստելութեան ներկայ պայմաններում, աւելի մօտիկ, աւելի յարմար, ապահով ու հիւրընկալ երկիր չունեն, քան Հայաստանը, որտեղ հասկանում են իրենց լեզուն, սիրում են իրենց մշակոյթը, հիւրընկալ են, քրիստոնեայ, նաեւ պատմականօրէն բարեկամ, եւ որտեղ, վերջապէս, գտնուում է իրենց կարելու ռազմաբազան, Արցախի խաղաղապահ զօրագունդն էլ վրադիր: Իսկ ինչ վերաբերում է «գործակալական» կամ «լրտեսական» ցնդաբանութեանը, հարցումն առաջանում է ըստիւնքեան՝ Ռուսաստանը ա՛յս պահը պիտի ընտրէր Հայաստանում իր գործակալների արդեն խիտ շարքերում համալրում իրականացնելու:

Նախորդ շաբաթ յայտնել էմ իմ կարծիքը Ուկրաինայի դէմ ռազմական գործողութիւններ ձեռնարկելու նախագահ Փութինի քայլի մասին, որի հետեւանքներից է նաեւ մեր երկրով հետաքրքրուելու ռուսների մղումը: Կրկնեմ՝ հարեւան երկրի ու հարազատ ժողովրդի դէմ ռազմական գործողութիւններ ձեռնարկելու հարցում Կրեմլը թոյլ տուեց հաշուարկային երկու՝ կոպտագոյն սխալ: Առաջին՝ թերագնահատեց ուկրաինացիների դիմադրողական կարողութիւնները, որի պատճառով ռուսական զօրքը արդեն 3-րդ շաբաթամուտը չի կարողանում կապիտուլացիա պարտադրել Քիւէի կառավարութեանը եւ ստիպուած է միաճուրկ քաղաքների պատերազմի մէջ (ինչպէս ասում են՝ պատերազմ սկսելը աւելի հեշտ է, քան այն աւարտելը): Եւ երկրորդ՝ թերագնահատեց արեւմտեան երկրների միասնական ուժ ցուցադրելու կամքը, յատկապէս վերջինների վճռականութիւնը «ֆինանսական միջուկային ռումբ» օգտագործելու իր դէմ: Մանաւանդ այն պայմաններում, երբ դեռ կատարելագործուած ու առաջին պատրաստուա-

Հոգեհանգիստ

ՍԱՐԳԻՍ ՓՈՇՕՂԵԱՆ

«Չարթոնգ»-ի Երեց Աշխատակից



Վազքի մէջ ինչէր կորան: Ոչ միայն արագութիւնն է կլանողը իրականութեան, այլ՝ նայուածքը, երբ աչքերը յառած են հեռու հորիզոնին, բնականաբար կ'անտեսուի ոտքի մօտ եղած տունկը, կը տորոտի ու զայն տորոտող իր նպատակասլացութեան ջերմութեամբ ոգեւոր՝ աւելի հեռուն կը տեսնէ: Այսինքն՝ հեռուն աւելի մօտ կ'ապրի քան՝ անմիջական մօտը որ ունի իրեն յատուկ ջերմութիւն եւ գրաւչութիւն ու գուցէ աւելի՝ հեռուին համար ալ ան նոյն հեռուն է որ կը հետապնդուի...:

Շրջան մը մեր ընկերական խօսակցութեան մէջ «ծառի եւ անտառի» յարաբերութեան մասին կը խօսուէր: Ուրեմն կարեւորագոյնը ամբողջութիւնը տեսնելն է իր մանրամասնութիւններով, որպէսզի քննարկուի ու ի յայտ գայ նիւթին ամբողջական իրականութիւնը: Կարճ. ծառը եւ անտառը: Մօտը եւ հեռուն, եւ իրարմով կ'ըլլան ՄԵԿ:

«Նորութիւն չկայ արեւուն տակ» կը կարդանք ժողովրդի գրքոյկէն: Անցնիւք անցեալ.- Զանկ Ֆու Ցէ իր աշակերտներով կը պտըտէր քաղաքէ քաղաք, գիւղէ գիւղ, ուսուցանելու, իր հետ ունենալով իր հետեւորդները. կ'ըսուի թիւով եօթանասուն: Ինչ եւ է: Խնդիրը ի հարկէ թիւին վրայ չէ այլ՝ շրջագայութեամբ ուսմունք, դաստիարակութիւն տարածելու իր ապրած միջավայրին մէջ: Չի որքան նոյնանման ըլլան մտածողութիւնները, այնքան կառավարելի կ'ըլլան ի հարկէ ժողովուրդները...

Երկու հազար տարի առաջ ալ մեր Տէր Յիսուս իր աշակերտներով, զորս Ինք ընտրած էր, Հրեաստանի մէջ եւ շրջակայքը քարոզչութիւններ կ'ընէր, բժշկութիւններ եւ այլ հանրօգուտ գործառնութիւն: Գլխաւորը սակայն ուսմունքն էր ի շահ ժողովուրդի մակարդակի բարձրացման: Ի հարկէ շատերու համար խորթ եւ բարդ ըլլալով չէին կրնար ընկալել տրուածը ամբողջութեամբ: Առ այդ, Ան տարբեր վայրերու մէջ գուցէ եւ որոշ ընտրեալներու բացատրութիւն կու տար իր խօսածներուն մեկնութիւնը՝ որպէսզի հասկնալի ըլլայ: ՄԵԿ ոչխարի առակով կրնանք եզրակացնել թէ որքան արժէք էր անհատ մը: Վերջապէս հաւաքականութիւն մը անհատներու խմբաւորումն է: Հոսկ՝ տեսնել, նկատի առնել, առ այդ գործել յանուն մակարդակի բարձրացման: Ա՛յդ է եղած Մեծերու առաքելութիւնը դարերէ ի վեր, մանաւանդ որ անոնք վախ չունին զիրենք գերադասելու կարողութեան մէջ եղողներէն...: Անոնց խօսքերը հասած են մեզի, որոնք տակաւին կը հրահրեն, կ'առնիւքնեն ու նիւթ կը դառնան ներկայ իրավիճակէն անցնելու աւելի բարեկիրթ վիճակի:

Սակայն ի՞նչ է արդեօք փոխուել խորքին մէջ մեր ապրած իրավիճակին: Ես տեսած չունիմ: Նոյն երեկը ամենօրեայ նոյն լուսինը պարտուած ու որբ: Երեկը կ'ապրիւք տակաւին որքան ալ նայիւք հեռուն. Ի գուր: Հարկ կը զգանք նայելու հեռու հորիզոնին, անկէ յուսալով նշոյլ մը յառաջդիմութեան: Սակայն կը սպասենք: Յոյսը միշտ ալ եղած է վերջին հանգրուանը անկեալին: Փոքր մէջբերում մը Սօս Սարգսեանէն.- «Սակայն քաղաքը քաղաքի էր նման իր մակարդակով, որոնք երբեք փոքրի վրայ ձեռք չէին բարձրացնի» (2009 ՄՈՆՈԼՈԳ):


Ծութեան աստիճանի չէր բերուած անցեալ դէպքերի կէսերին Փեքինում իր՝ նախագահ Փութինի ու նրա պաշտօնակից Սի Յզինկայի միջեւ կայացած պայմանաւորութիւնները արեւմտեան պանքային համակարգի ու յատկապէս SWIFT սիսթեմի դէմ «ֆինանսական ամրոց» ստեղծելու վերաբերեալ, որին պէտք է միանար արեւմտեան պատժամիջոցներից նոյնպէս հալածեալ Թեհրանը:

Շաբ. Էջ 07

Կեանքը Պեյրուրթի Վահան Թեքեան Վարժարանին Մէջ

«Թող Մեր Վարժարանի Իւրաքանչիւր Աշակերտ Գիտակցի Եւ Պատկառանքով Մօտենայ Ձեր Վսեմ Գործին Ու Հասկնայ, Որ Դուք Էք Իր Կեանքի Բարգաւաճման Անմահ Սերմնացանը»
Տնօրէնուհի՝ Տիկ. Սեւանա Սեմերճեան Տարագճեան Ուսուցչաց Տօնի Նշումը Պեյրուրթի Վահան Թեքեան Միջնակարգ Վարժարանին Մէջ

Հայ ուսուցիչը իր ուսերուն կը կրէ կրկնակի պարտականութիւն՝ հասարակութեան արժանաւոր անդամ ձեւաւորելու առաքելութիւնը, ինչպէս նաեւ ազգային արժէքներու պահպանումին եւ մեր ժողովուրդի անպարտելիութեան հաւատքի ներարկումը սերունդէ-սերունդ: Անոր շնորհիւ է, որ կը գոյատեւէ ազգը: Երեքշաբթի, 8 Մարտ 2022-ին, մեր վարժարանին Յակոբ Պարսամեան սրահէն ներս տեղի ունեցաւ «Ուսուցչաց տօն»-ի նշումը:




Միջն. Գ. դասարանէն Փաթիլ Պետիկեան իր բացման խօսքին մէջ անդրադարձաւ, թէ այս տօնի նշումը առիթ կ'ընծայէր աշակերտներուն իրենց երախտագիտութիւնը յայտնելու սիրելի ուսուցիչներուն, որոնց փոխանցած գիտելիքներով եւ ցուցմունքներով ինքնավստահ ու հաստատ քայլերով կ'ուղղուին դէպի բարձր վկայականներ: Ան իր խօսքը շարունակեց ըսելով. «Առաւել բախտաւոր ենք, որ կը յաճախենք հայկական կրթօճախ, ուր բարձր մակարդակի ուսման կողքին աշակերտները կը ստանան նաեւ հայեցի դաստիարակութիւն եւ իրենց մէջ կ'ամրապնդուի ազգային ոգին, դիմագիծն ու ինքնութիւնը: Յատուկ շնորհակալութիւն նաեւ մեր սիրելի տնօրէնուհի՝ Տիկ. Սեւանա Տարագճեանին, որ իր աշակերտներուն կողքին է միշտ եւ ճիգ չի խնայէր ի խնդիր անոնց յաջողութեան:» Նկատի ունենալով, որ այս թուականը կը զուգահեռի Կանանց Միջազգային Օրուն, ան իր խօսքը եզրափակեց շնորհաւորելով

մեր սիրելի տնօրէնուհին եւ ուսուցչուհիները այս տօնին առիթով: Բացման խօսքէն ետք մանկապարտեզի աշակերտները յաջորդաբար ներկայացան հետեւեալ խմբերգներով՝ «Ողջունի Երգ» (Մանկամտուր, Բողբոջ եւ Ծաղիկ), (Կոկոն եւ Ծաղիկ) եւ «Teacher» (Ծաղիկ): Ապա Միջն. Բ. դասարանէն՝ Սելին Տրդատեան ներկայացաւ հեզաճկուն «Ուզուճտարա» մենապարով, որմէ ետք Միջն. Գ. դասարանէն՝ Վալէնթինա Սրապիոնեան «Առաջին Ուսուցչուհիս» ասմունքով եւ Ալին Գեորգեան «Սիրելի Ուսուցիչ» մեներգով ուսուցիչներուն յուզումը հասցուցին իրենց զազաթնակետին:



Տեղի ունեցաւ նաեւ տեսաերիզի ցուցադրութիւն նուիրուած ուսուցչակազմին՝ պատրաստուած Միջն. Գ. դասարանի աշակերտներուն եւ իրենց դաստիարակին եւ օրուան յայտագիրի պատասխանատու՝ Օրդ. Սիւզան Թագեանի կողմէ: Հոսկ Միջն. Գ. դասարանի աշակերտները ներկայացան «Ճերուսալէմ» պարով: Տեղի ունեցաւ նաեւ բացիկներու բաշխում:



Վերջապէս բեմահարթակ բարձրացաւ մեր վարժարանի ժրջան տնօրէնուհի՝ Տիկ. Սեւանա Տարագճեանը, փոխանցելու համար իր սրտի խօսքը: Ան խօսքը ուղղելով ուսուցիչներուն ըսաւ. «Այսօր ձեզի վստահուած է սերունդներու կրթութեան պատասխանատու գործը: Դուք ոչ միայն ուսում կը ջախքէք, այլ նաեւ լոյսի ու ջերմութեան հունտեր կը ցանէք:» Ան իր խօսքը շարունակեց ըսելով, թէ այսօր իսկապէս տօն է մեր բոլորին համար, որովհետեւ դժուար է վերագնահատել ուսուցիչի դերը մատղաշ սերունդի կրթութեան, հայեցի դաստիարակութեան ու ազգապահպանման համար: Ինչպէս նաեւ՝ ազգային ու պետական հեռանկարի տեսանկիւնով դժուար է գտնել անելի խրթին, միաժամանակ պատուաբեր գործ, քան մատղաշ սերունդ կրթելու եւ հասարակութեան արժանապատիւ անհատ դաստիարակելու առա-

քելութիւնը ունենալը: Հոսկ, տնօրէնուհին շնորհաւորեց ուսուցիչներուն տօնը, մաղթելով որ անոնց անսպառ եռանդը, նուիրումը, համբերութիւնն ու սերը յարատեւեն, ինչպէս նաեւ՝ մեր աշակերտները գիտակցին եւ պատկառանքով մօտենան իրենց ուսուցիչներուն վսեմ գործին ու հասկնան, որ ուսուցիչները կը հանդիսանան իրենց կեանքի բարգաւաճման անմահ սերմնացանները: Ան նաեւ շնորհաւորեց իգական սեռը, Կանանց միջազգային տօնին առթիւ:

Աւարտին, ուսուցչարանէն ներս տեղի ունեցաւ կարկանդակի հատում: Այս տօնին առիթով կը շնորհաւորենք մեր ուսուցիչները՝ իրենց մաղթելով առողջութիւն, ուժ եւ համբերութիւն, որպէսզի կարողանան հեշտութեամբ յաղթահարել իրենց դիմաց պարզուող բոլոր մարտահրաւերները:

ՎԱՀԱՆ ԹԵՔԵԱՆ ՄԻՋՆԱԿԱՐԳ ՎԱՐՃԱՐԱՆԻ ԼՐԱՏՈՒԱԿԱՆ ԳՐԱՍԵՆԵԱԿ



Տեօրթեուլցի Պենոն Վասիլեանի Յուշերը Չոք Մերճուման-Չոք Մարգալան

Շար. Նախորդ թիվ

Ասոնք հազիւ վար իջան՝ աղջիկը եկաւ վիզիս փաթթուեցաւ, ինծի համբուրեց, ես ալ իրեն համբուրեցի, երկար ժամա-նակ միասին մնացինք: Յետոյ ըսաւ՝

- Այս իրիկուն հիւրանոց մի՛ երթար հոս մնա: Յետոյ մենք ալ իջանք *արտէլ*, տեսնեմ՝ գործաւորները իմ ըրածս նոր մոտէլը կ'աշխատին, ըսի՝

- Պարոն Նեկրոֆաք, ինծի կը ներեք, ես պետք է երթամ, մնաք բարով, վերջը նորէն կու գամ:

- Ինչու՞ պիտի երթաս, այլեւս մեր մօտ պիտի մնաս, մի՛ երթար,- ըսին:

- Գործ ունիմ, անպայման պետք է երթամ: Ձեռնուեցայ, աղջիկը նորէն համբուրեց, ելայ շիտակ գացի Գեորգ չաւուշին քով, եղածները մէկամէկ նոյնութեամբ պատմեցի: Գեորգ չաւուշը ըսաւ՝

- Չըսե՛ս քեզի ամուսնացուցեր են արդէն, իրիկունը հոն կ'երթաս, աղջիկը քեզի կու տան, որպէսզի միասին պառկիս: Ասոնց սովորութիւնը այդպէս է: Ես զարմացայ՝ այդպէս գործ կ'ըլլա՞յ,- այո այդպէս է, միասին կ'ապրիք,- ըսաւ Գեորգ չաւուշը, ու շարունակեց,- բայց Պենոն, տասնինը տարեկան աղջիկ մը կոյս չ'ըլլար, այդ պետք է ընդունիս:-

Սուրճ մը խմեցինք, քիչ մը խօսեցանք, ելայ՝ «մնաս բարով առայժմ» ըսի, սափրիչի գացի: Տեսայ՝ սափրիչները ամէն աղջիկներ են, երկվարդոց երեսը կ'ածիլեն, մազերը կը սափրեն: Կուրծքերնին գրեթէ բաց է: Սալոններու փեղկերուն վրայ գրուած է՝ ածիլուիլը մէկ ֆրանք: Մտայ ներս, մէկը՝ «հրամէ նստիր» ըսաւ, նստայ աթոռին:

- Ի՞նչպէս կ'ուզես ածիլուիլ, քոմիլէ՛:

- Ինչ որ պետք է ըրէ:

Քոմիլէ մազերս կտրեց, երեսս սափրեց, երեսս շփելու ատեն կուրծքերը գլխուս դրաւ, քիթս-բերանս կուրծքերուն քսմտեց, այնպէս որ քունս եկաւ, գլուխս ետ վերցնել չուզեցի շատ հաճելի էր, անուշահոտ քսեց *փուտր* դրաւ, «անուշ ըլլայ» ըսաւ: Աթոռէն իջայ, ժաքթս, գլխարկս վրձինեց, ըսի՝ «ինչ պիտի տամ»:

- Հինգ ֆրանք,- ըսաւ: Վեց ֆրանք տուի, «շատ շնորհակալ եմ, parfois au revoir» ըսի գացի հիւրանոց: Ժամը ուրը եղաւ, հագուստս փոխեցի, պաշտօնական հագայ գացի պարոն Նեկրոֆաքին տունը, զանգը զարկի՝ «անթրէ, հրամէ», ըսին: Ներս մտայ, գլխարկս հանեցի «bon soir, բարի երեկոյ» ըսի, շուտով գիս գրկեցին, «բարի եկար bonfils» ըսին, «հրամէ, նստիր»: Աղջիկը եկաւ՝ «բարի եկար mon chere Benon» ըսաւ, սեղան դրին, կամաց-կամաց սկսանք ուտել խմել:

Աղջիկը կիսամերկ հագուստ մը հագած էր որ հագուստի չէր նմաներ: Եկաւ քովս նստաւ ձեռքս բռնեց, սկսաւ շոյել, ժպտիլ, բաժակս գինի լեցուց, իր բաժակն ալ լեցուց, միասին խմեցինք, երեսը ինծի մօտեցուց որ համբուրեմ, վերջը պատառաքաղով աղանդեր դրաւ բերանս: Օրը Շաբաթ էր, մատամ Նոկրոֆաքը ըսաւ՝

- Այլեւս դուն մեր bonfilsն ես, ամէն օր հոս պիտի ըլլաս, հիւրանոց չես երթար այլեւս, հոս ձեզի համար առանձին սենեակ կայ: Չըսաւ՝ «քեզի համար սենեակ կայ», ըսել ուզեց թէ Վիոլէթին հետ պիտի պառկիս:

- Je vous merci madame,- ըսի: Կերանք-խմեցինք, ժամը եղաւ մէկ: Ըսաւ այլեւս պառկինք՝

- Հրամայեք սենեակնիդ անցեք, հանգիստ ըրեք,- մատամ Նեկրոֆաքը ձեռքս բռնեց, գիս սենեակ տարաւ ըսաւ,- այս է քու անկողինդ, այս ալ մատմուլազէլ Վիոլէթին է: Իմ մահճակալիս վրայ գիշերանոց մը դրուած էր, robe de chambre եւ մուճակ մը: Հագուստս հանեցի, գիշերանոցս հագայ, նստայ: Հինգ վայրկեան ետք մատմուլազէլ Վիոլէթը ներս մտաւ, «bon soir mon chere» ըսաւ, վիզս փաթթուեցաւ, գլուխս բարձին դրաւ, սկսաւ ինծի սիրել: Ես ալ իրեն սիրեցի, քովս մտաւ, ինծի ըսաւ՝ «դուն իմ առաջինն ես», ու պառկեցանք:

Այդպէս ալ եղաւ, ես առաջինն էի: Իրեն հարցուցի թէ ինչու ինք ուրիշ աղջիկներու պէս չէ եղած: Ըսաւ՝ «ես մօրս ու հօրս մէկ հատիկն եմ, ինծի միշտ խրատ կու տային, կ'ըսէին քեզի հայ տղու մը կ'ուզենք տալ, հիմա պապայիս ժառանգը մեզի պիտի մնայ», խօսքը վերջացուց, նորէն սկսաւ ինծի փաթթուիլ, ինծի սիրել: Այդ գիշեր մինչեւ առաւօտ գրեթէ չպառկեցանք: Խօսեցանք: Առաւօտ ժամը ուրիշ էր քնացեր ենք: Ժամը տասներկու-քին մատամը դուռը դակեց, երկուքս համբուրեց, ինծի հարցուց՝ «տղաս, ի՞նչպէս ես, գո՞հ ես մատմուլազէլ Վիոլէթին»:

- Շատ գոհ եմ, ձեր տուած խրատներէն որ ինքը պահեր է: Շնորհակալ եմ, ճիշտ մեր հայերու սովորութեան պէս եղած ըլլալուն համար:

Դուրս ելանք, միւսիւս Նեկրոֆաքը մեր երկուքը համբուրեց, մենք ալ իր

ձեռքը համբուրեցինք, նստանք թէ մը խմեցինք, սենեակ անցանք հագուստնիս հագանք: Կերակուրները պատրաստ էին, մատամը սեղանը դրաւ, նստանք քով-քովի, բոլորս միասին ճաշեցինք: Ժամը երկու եղաւ միւսիւս Նեկրոֆաքը ըսաւ՝ ես քիչ մը պառկիմ, հանգստանամ, դուք ալ գացեք Զորտոն, քիչ մը պտտեցեք, մաքուր օդ առեք:

Մենք՝ հարս ու փեսայ, ելանք գացինք Զորտոն, որ ծովեզերեայ, պտոյտի գեղեցիկ, պողոտայ մըն էր, մէկ քիլոմէթրի չափ, պէտքնապատ: Ժողովուրդը երեկոյեան հոն պտոյտի կ'երթան եղեր, ամէն հարիւր մէթրի վրայ աստիճաններ կային ծով իջնելու համար, աղջիկ մը ու տղայ մը կ'իջնէին այդ աստիճաններէն վար: Վիոլէթը հարցուց՝

- Գիտե՞ս ինչու անոնք վար կ'իջնեն:

- Ի՞նչու համար վար կ'իջնեն:

- Վար կ'իջնեն հոն իրարու կը սիրաբանին, հոն անոնց համար մասնաւոր տեղ կայ:

- Հայտէ մենք ալ իջնենք, տեսնենք:

- Ոչ, այդտեղ մեզի համար չէ, մենք մարդ ու կին ենք, անոնք դուրս ինկած աղջիկներ են: Մենք եթէ հոս իրարու հետ սիրաբանինք՝ ոչ ոք մեզի կը նայի, բայց եթէ վար իջնենք ու վեր ելլենք ուրիշ տղամարդիկ կու գան ինծի քու ձեռքէն առնել կ'ուզեն, եթէ դեմ դնես՝ քեզ կը ծեծեն, ինծի ալ վար կը տանին, իրենց ուզածը կ'ընեն: Տղաքը հոս առանձին կու գան աղջիկներ վար տանելու համար, ոչ ոք իրաւունք կ'ունենայ խառնուելու: Կը տեսնես՝ ընտանեօք կը պտտին, առանձին տղաք ալ կան: Եթէ առանձին աղջիկներ կամ տիկիկներ տեսնեն՝ տղաքը զիրենք վար կը հրաւիրեն:

- Դուն այս ամէնը ուրկէ՞ գիտես:

- Մենք՝ պապաս-մամաս ամէն Կիրակի հոս կու գայինք մաքուր օդ առնելու, այս ամէնը կը տեսնէի, ատկէ գիտեմ: Պապաս եւ մամաս գիս երբեք առանձին չէին ձգեր:

- Զեզ ալ ազատ ձգէին՝ հոս կու գայիր:

- Հոս չեկող աղջիկները հազիւ տասը տոկոս կ'ըլլան, անոնք ալ ուրիշ տեղեր կ'երթան: Այստեղ ինծիպէսներուն յետամնաց կ'ըսեն:

- Եթէ դուն յետամնաց մնացած չըլլայիր, ես քեզի ձգած-զացած կ'ըլլայի, դուն ինծի համար յետամնաց մնացեր ես: Դուն ինծի համար ոսկի չէ՝ աղամանդ ես: Այդ աղջիկները եթէ ամուսնանան նորէն իրենց հին ճամփով կ'երթան անոր համար շնորհքով ընտանիք չեն կազմեր: Եթէ դուն ալ ինծմէ ուրիշ մէկը սիրես՝ ես ալ քեզի կը ձգեմ-կ'երթամ, ես կ'ուզեմ որ մեզմէ ծնած պզտիկը մեզմէ ըլլայ, ուրիշ սիրածեդ չըլլայ:

- Մինչեւ հիմա սիրած չունէի, որ ասկէ ետք սիրած ունենամ: Յետոյ, քեզմէ աւելի գեղեցիկ՝ մը պիտի գտնեմ: Գեղեցիկ ես, լաւ արհեստ ունիս ձեռքդ, մենք միշտ սիրով կ'ապրինք:

Թաքսի առինք, գացինք Գեորգ չաւուշին տունը, դուռը դակեցինք, տիկինը բացաւ:

- Գեորգ չաւուշը տո՞ւնն է,- հարցուցի:

- Ներս հրամայեց, սրճարան լուր դրկեմ, հիմա կու գայ,- ըսաւ: Մտանք նստանք, տիկինը հարցուց՝

- Այս օրիորդը ո՞վ է:

- Տիկինն է:

- Շնորհաւոր ըլլայ,- ըսաւ,- եկաւ համբուրեց Վիոլէթին,- ինչ անուշիկ աղջիկ է:

- Անուշիկ մնացեր է ինծի համար,- ըսի:

- Ծիշտ կ'ըսես, ինչպէ՞ս կ'ըլլայ ֆրանսացի աղջիկ մը ասպէս անուշիկ մնացեր է:

- Հօրը եւ մօրը շնորհիւ անուշիկ մնացեր է: Երեկ գիշեր ամուսնացանք, մեր հայ աղջիկներու նման մաքուր տեսայ, Գեորգ չաւուշը կնքահայր կ'ուզեմ ըլլայ: Գեորգ չաւուշը եկաւ՝ bon soir ըսաւ, մենք ոտքի ելանք, ձեռքը համբուրեցի, Վիոլէթն ալ համբուրեց:

- Նստեցեք նայիմ,- ըսաւ: Գեորգ չաւուշին տիկինը՝

- Աչքդ լոյս, Գեորգ չաւուշ, Պենոնին տիկինն է այս անուշիկ աղջիկը, երեկ գիշեր ամուսնացեր են:

- Իրա՞ւ Պենոն:

- Այո, Գեորգ չաւուշ, կ'ուզեմ որ կնքահայր ըլլաս մեզի:

- Գլխուս վրայ Պենոն, ինչու չէ: Ի՞նչպէս գտար հարսդ:

- Ըստ մեր հայկական սովորութիւններուն,- ըսի:

- Չարմանալի բան, ֆրանսացիներուն մօտ այսպէս հազարէն մէկ չես գտներ, ուրեմն այս օրիորդը յետամնաց մնացեր է,- ըսաւ: Մենք թրքերէն կը խօսէինք, խեղճ Վիոլէթը բան չէր հասկնար մեր խօսակցութենէն:

Շար. յաջորդ թիւով

Երկու Չափ Երկու Կշիռի Վարքագիծը Միջազգային Ֆարաբերութիւններու Կեղծիքի (Չ)բարոյականն Է

ՅԱԿՈԲ ՊԱԼԵԱՆ

Մարդու իրաւ արժէքը կը ճշդուի նախ քննելով, թէ ան որքան եւ ինչ իմաստով յաջողած է ազատագրուիլ ԵՍԷՆ: Ալպէր Այնշթայն, գիտնական եւ իմաստասէր, Ի դար

ԵՍ, ԵՍԵՐ, անհատի, ժողովուրդի, պետութեան: ԵՍը միշտ մէկ ուղղութեամբ նայող ախտ է:

Եկու շաբաթէ ի վեր, ես ալ կը հետեւիմ Ուքրայինայի եւ անոր ժողովուրդի ցաւալի եւ աղիտալի վիճակին: Կը հետեւիմ նաեւ երկիրներու եւ միջազգային հակազդեցութեան, որ կը միտի կասեցնել () պատերազմը, որպէսզի չքանդուի երկիրը եւ չդժբախտանայ անոր ժողովուրդը: Կայ չխոստովանող այլ իրականութիւն. շահագործել պատերազմը եւ ուրիշներու դժբախտութիւնը:

Քաղաքական գորակցութեան եւ մարդկայնական օժանդակութեան ալիք ծաւալած է: Կարելի չէ անտարբեր մնալ ի տես հեռատեսիլի սփռած աւերներու եւ գաղթի պատկերներուն,- կին, մանուկ, նորածին,- եւ ամուսիններ՝ որոնք կը մնան երկրին մէջ հայրենիք պաշտպանելու: Հայրենիք պաշտպանել՝ ազգ ըլլալու եւ ազատ ապրելու համար:

Հակառակ յուզումիս, պարտք կը զգամ նոյն հանրութեան դիմելու եւ ըսելու, որ Ուքրայինան եւ անոր ժողովուրդը կը պաշտպանեն, իրենք զիրենք պաշտպանելու համար, սահմանի այս կողմը գտնուողները: Եթէ հանրութեան վերաբերումը իրապէս անշահախնդիր կերպով մարդասիրական, արդարասիրական եւ խաղաղասիրական էր, ինչպէ՞ս եղաւ, որ ան չյայտնուեցաւ Հայաստան-Արցախի դէմ շղթայագերծուծ պատերազմի ընթացքին, անհաւասար ուժերու կռիւ մը, երբ բնակավայրեր եւ սրբատեղիներ կը ռմբակոծուէին, բնակիչներու տուները եւ արտերը կրակի կը տրուէին, անտառները ֆոսֆորային ռումբերով կ'այրէին, գազազած վարձկաններ կը բերուէին հայ ջարդելու համար եւ փոքրիկ երկիր մը կ'ունենար հազարաւոր զոհեր:

Աշխարհագրութիւնը վճիռ է. Հայաստան եւ Արցախ Եւրոպայի դռներուն չեն: Ֆրանսացին կ'ըսէ, որ ամէն խոստում որպէս կանխիկ դրամ պէտք չէ ընդունիլ: 2020ի Հայաստանի դէմ թուրք-ազերի նախապարձակման օրերուն, այդ երեկ էր, Եւրոպան նախապարձակները, աւերները, պարտադրուած հայրենահաւումը, ֆոսֆորային ռումբերը եւ կրօնամոլ վարձկաններու արշաւանքը կասեցնելու համար պատժամիջոցներու չդիմեց, ինչպէս այսօր կ'ընէ Ռուսիոյ դէմ, մնաց բարեսիրական-մարդասիրական դատարկ խօսքի սահմանին մէջ: Քաղաքակիրթ, ժողովրդավարական եւ մարդկային իրաւանց պաշտպան Եւրոպան,- քանի մը տասնեակ տարի առաջ կ'ըսէին՝ ազատ աշխարհը,- միթէ՞ պարտաւոր չէ բացատրութիւն մը տալ, ի հարկին՝ մէա քիւլփա ընել, իր թերացման եւ սխալին համար, զորս կը կոչեն երկու չափ երկու կշիռի վերաբերում, որ արդարութեան հակասութիւնն իսկ է: Ո՛չ ոք, ո՛չ մէկ ժողովրդավարական եւ մարդու իրաւունքի պաշտպան երկիր պատժամիջոցներու դիմեց, անոնց հեռատեսիլի պատուհանները օրնիբուն չպատկերասփռեցին եւ չխօսեցան անհաւասար եւ դաժան պատերազմի զոհ ժողովուրդի մասին, որ իր հայրերու հողին վրայ կ'ուզէր ապրիլ, անոր տէր մնալ:

Արեւմտեան այս կամ այն երկրի այս կամ այն յայտնի վարիչին դուռը բախողներ, որոնք համակրանքի խօսքերէ աւելին չեն ստացած եւ չեն ստանար, պէտք է յանդգնութեամբ խօսին երկու չափ երկու կշիռի մասին: Ինչո՞ւ Արցախի անտառներու ֆոսֆորային ռումբերով հրդեհումը, եկեղեցիներու ռմբահարումը, անոնց գմբէթներէն խաչերու վերացումը չզբաղեցուցին լրատուամիջոցները, օրը քսանչորս ժամ այդ պատկերները չսփռեցին, պետական մարդիկ, մտաւորականներ չհիքթորոշուեցան: Հայկական մեծ ու պզտիկ Եսթէլիշմընները գոհացան խօսքի փշրանքներով, ունեցան գործ ընելու եւ գութը յաջողութիւն համարելու բաւարարութիւններ:

Հարց պէտք է տալ, թէ ինչո՞ւ այդպէս ըրին, ինչո՞ւ այդպէս եղան վերաբերումները. Հայաստան-Արցախի դէմ գործուած նախապարձակումը եւ հազարաւոր զոհերը ու հաշմանդամները զիրենք չանհանգստացուցին, որովհետեւ նախապարձակը իրենց դաշնակիցն էր, իրենց նաւթ եւ հում նիւթ մատակարարողը, իրենց դրամատուներուն եւ արդիւնաբերութեան մէջ կողոպուտի (կոռուպցիա) մեծագումար ներդրումներու տէրը: Աւելի պարզ. արեւմտեանները, ինչ ալ պատահած ըլլայ երեկ, պատահի այսօր եւ վաղը, ի գին ամէն բանի, դժգոհելով անգամ, չեն դիքթորոշուիր թուրք յարձակապաշտին դէմ: Այսպէս պիտի շարունակուի մինչեւ այն օրը, որ այդ



յարձակապաշտութիւնը սպառնալիք դառնայ իրենց: Մինչ այդ, ըստ իրենց անմիջական շահերուն, աշխարհի հզօրները պիտի շարունակեն իրենց երկու չափ երկու կշիռի քաղաքականութիւնը:

Պէտք է օգնել, Ուքրայինայի, որպէսզի մնայ անկախութիւնը, գաղթականը վերադառնայ իր տունը:

Ինչո՞ւ նման պահանջով հրապարակ չեկաւ, պիտի չգար Արեւմուտքը Արցախ-Հայաստանի ժողովուրդին համար, ինչո՞ւ նման վերաբերում չունեցաւ Ուքրայինան, եւ հակուրութեամբ ու շահախնդրութեամբ ուղղակի-անուղղակի կերպով դաշնակցեցաւ Ռուսիոյ աւանդական մրցակիցին եւ թշնամիին հետ, Հայաստան-Արցախի դէմ նախապարձակներուն հետ:

Այսօր Ուքրայինայի նախագահը հրապարակաւ դժգոհութիւն յայտնեց, որ արեւմտեանները իրենց գիտական օժանդակութեան խոստումները չեն յարգած: Չինել Ուքրայինան Ռուսիոյ կողմէ կրնայ դիտուիլ որպէս գրգռութիւն, աւելին նոյնիսկ՝ պատերազմի մասնակցութիւն, կ'ունենայ հետեւանքներ: Նկատի ունենալով մէկ կամ միւս կողմին հարուածելու-քանդելու հնարաւորութիւնները, հետեւանքներու մասին մտածելն անգամ սարսափ կ'ազդէ:

Չոյզ Համաշխարհայինները չեն աւարտած, քանի որ բոլորին կողմէ ջատագովուած մարդկային եւ ժողովուրդներու իրաւունքները չեն յարգուած, չեն վերականգնած, ամենուրեք տիրական են ազգայնամոլական, կրօնամոլական եւ ցեղապաշտական գերակայութեան եւ ծաւալապաշտութեան կիրքեր, որոնք եթէ չյաղթահարուին պատմութեան դասով, օրէնքներով, իմաստութեամբ եւ զանոնք յարգելու բարոյական համապարփակ հասկացողութեամբ, մարդը համարելով գերագոյն արժէք, մարդկութիւնը պիտի ապրի երրորդ Համաշխարհայինի սպառնալիքին տակ, սպասելով ի՞ր Համաշխարհայինը: Փակուղիի առջեւ կանգնած է մարդկութիւնը, քանի որ հիմա ժողովուրդները չեն որոշողները, այլ ուժ ունեցողները, իրենց սեղանին վրայ հիւլեական գէնքի կոճակ ունեցողները:

Եթէ դադրէին հետեւելէ երկու չափ երկու կշիռի անարդարութեան, հետապնդելէ յաւելեալ իրաւունք եւ հետապնդելիս յաւելեալ պարտքի ըմբռնում նմանին հանդէպ, երրորդ եւ թերեւս վերջին Համաշխարհայինը կը կանխուէր: Այս ընելու համար պէտք է մարդանալ, լսել մեծ գիտնական Ալպէր Այնշթայնը, որ ըսած է. «Մարդու իրաւ արժէքը կը ճշդուի նախ քննելով, թէ ան որքան եւ ինչ իմաստով յաջողած է ազատագրուիլ ԵՍԷՆ»: Մեծերը եւ նուազ մեծերը ինչպէ՞ս ազատագրել ԵՍԷՆ, որ ժառանգութիւն կը դառնայ, հայր եւ որդի, ինամի, ծանօթ, բարեկամ, ծանօթ ԽԾԲՆ, որոնք գումարուելով կը դառնան չարիք բոլոր մակարդակներու վրայ, ընկերութիւններու, ժողովուրդներու եւ աշխարհի:

Ուքրայինան պատերազմի մէջ է, դժախտացող ժողովուրդ մը եւ ընտանիքներ կան: Հայաստան-Արցախի դէմ եղած նախապարձակման հետեւանքով եղան հազարաւոր զոհեր, նոյնքան եւ աւելի հաշմանդամներ, որոնք վրայ կը գումարուին հայրենահաւումներ եւ տնազուրկներ:

Համագումար՝ ՊԱՏԵՐԱԶՄԱԿԱՆ ՈՃԻՐՆԵՐ:

Չկան դատարանի առջեւ կանգնողներ:

Յիշել Սիամանթոն. «Ո՛վ մարդկային արդարութիւն, թող ես թքնեմ քո ճակատին»:

Ոճիրին դէմ պէտք է պայքարիլ, ոճրագործին երբեք բարենիշ պէտք չէ տալ, ով ալ ըլլայ ոճիրին հեղինակը, ուր ալ գործուած ըլլայ ոճիրը, կարծեցեալ գործնապաշտութեամբ սալամ ալեք չընել ոճրագործին, այդ ընելով հող կը պատրաստենք նոր ոճիրներու, նոյնիսկ եթէ այդ ընելու համար պէտք է սուղ գին վճարել: Այս ԵՍ ու ԵՍԵՐ գերանցելու որակով մարդուն պարտքն է մարդկութեան հանդէպ:

Ըլլանք մեծ թէ փոքր, իշխանաւոր, թէ համեստ քաղաքացի:

ՀԱՂՈՐԴԱԳՐՈՒԹԻՒՆ

Աւարտուեց Գերագոյն Հոգեւոր Խորհրդի Ժողովը

Սկիզբը էջ 02

Գրասենեակի գործառնություն է նաեւ տրամադրել գիտական աղբիւրների վրայ հիմնուած տեղեկատուութիւն՝ կանխելու Ադրբեջանի կողմից Արցախի պատմական անցեալի եւ Արցախի հայկական հոգեւոր ու պատմամշակութային յուշարձանների պատկանելիութեան վերաբերեալ փաստերի խեղաթիւրումը եւ կեղծ տեղեկատուութեան տարածումը:

Ժողովին Արշակ Եպիսկոպոսի կողմից ներկայացուեց նաեւ Հայ Եկեղեցու հոգեւորականաց պատրաստութեան, թեմական եւ ծխական կեանքի կազմակերպման, սոցիալական, կրթադաստիարակչական, քրիստոնէական արժեհամակարգին նետուած մարտահրաւերների, ֆինանսատնտեսական վիճակի բարելաւման եւ Հայաստան-Սփիւռք կապերի ամրապնդման առաքելութեան ուղենշային փաստաթղթերի վերաբերեալ զեկոյցը:

Կարեւորելով ուղենշային փաստաթղթերի ձեւաւորումը, ԳՀԽ-ն թելադրեց խմբագրական խորհրդին, դրանք կազմող յանձնախմբերի հետ շարունակել փաստաթղթերի լրամշակման աշխատանքները:

Հայ Եկեղեցու Համաշխարհային Երիտասարդական Միաւորման (ՀԵՅԵՄ) հոգեւոր պատասխանատու Ս. Յովնան արքեպիսկոպոս Տէրտէրեանը ներկայացրեց ՀԵՅԵՄ Կեդրոնական գրասենեակի կողմից սոյն թուականի մարտի 1-6-ը կազմակերպուած ՀԵՅԵՄ Եւրոպայի տարածաշրջանային ֆորումի արդիւնքները, որին մասնակցում էին ՀԵՅԵՄ Եւրոպայի տարածաշրջանի Հայրապետական պատուիրակութիւնների, թեմերի եւ հովուութիւնների երիտասարդներ, թեմակալ առաջնորդներ: Սրբազան Հայրը կարեւորեց ՀԵՅԵՄ Կենտրոնական գրասենեակի եւ թեմերի երիտասարդական կառույցների ջանքերը աշխարհասփիւռ հայ երիտասարդների համախմբման եւ առաջիկայում համահայկական ուխտագնացութեան կազմակերպման ուղղութեամբ:

ԳՀԽ-ի անդամներին Եկեղեցի-պետութիւն յարաբերութիւնների եւ առկայ մարտահրաւերների վերաբերեալ զեկուցեց Մայր Աթոռ

Սուրբ Էջմիածնի դիւանապետ Ս. Արշակ Եպիսկոպոս Խաչատրեանը: Արձանագրուեց, որ դեռեւս 2019 թուականին Եկեղեցի-պետութիւն յարաբերութիւնների կանոնակարգման նպատակով ձեւաւորուած յանձնախմբի աշխատանքները տակաւին վերականգնուած չեն եւ այս բնագաւառում լուծման կարօտ են մնացել մի շարք խնդիրներ, մասնաւորաբար կրթական, մշակութային, արարողակարգային, օրէնսդրական, հարկային, մաքսային եւ կարեւորագոյն այլ որոշումների հետ առնչուած: ԳՀԽ մտահոգութեամբ անդրադարձ կատարեց ռուս-ուկրաինական հակամարտութեանը եւ Ուկրաինայի հայութեան առջեւ ծառացած մարտահրաւերներին: Այս առնչութեամբ ժողովականներին զեկոյց ներկայացրեց Մայր Աթոռի Արտաքին յարաբերութիւնների եւ արարողակարգի բաժնի տնօրէն Ս. Նաթան արքեպիսկոպոս Յովհաննիսեանը: Սրբազան հայրն ընդգծեց, որ Վեհափառ Հայրապետն այս օրերին մշտական կապի մէջ է Ուկրաինայի եւ Եւրոպական երկրներում Հայ Եկեղեցու թեմակալ առաջնորդների հետ՝ տեղեկանալով տիրող իրավիճակին եւ Ուկրաինայի հայ համայնքի ու Եւրոպական տարբեր երկրներում հանգրուանած հայորդիների կարիքներին: ԳՀԽ անդամներն աղօթեցին տարածաշրջանում հակամարտութեան շուտափոյոջ աւարտի եւ խաղաղութեան հաստատման համար:

ԳՀԽ ժողովին քննարկուեցին նաեւ Եկեղեցու կանոնական ու հովուական կեանքին, կարգապահական ու իրաւական հարցերին, կրթական ու սոցիալական ծրագրերին եւ Եկեղեցու առաքելութեան արդիւնաւորմանը վերաբերող հարցեր:

Ժողովի վերջում ներկայացուեց Մայր Աթոռ Սուրբ Էջմիածնի 2021 թուականի գործունեութեան տեղեկագիրը: Դրանց շրջանակում արձանագրուեց, որ անցնող տարում իրականացուել են մշակութային, հոգեւոր-քարոզչական, կրթական, սոցիալական ծրագրեր՝ ՀՀ Զինուած Ուժերում, քրեակատարողական հիմնարկներում, կրթական ու մշակութային հաստատութիւններում եւ համայնքներում:

Քառօրեայ ժողովն ամփոփուեց Ամենայն Հայոց Հայրապետի օրհնութեան եւ զնահատանքի խօսքով:

ԲԱՆ ՈՒ ԳԻՐ

Աղօթք

Աքսորական գոյգի միամար,
Շատ հարուստ է երկինքըդ դեռ,
Բայց գանձերդ քու անհամար
Չըրկըւած ենք մենք ու անտեր:
– Գըթա՛ մեզ, Տէր:

Բաւիղներուդ մէջ մըթաքօղ
Երկու ճամբորդ ենք ծանրաբեռ...
Ո՛չ լոյսի սիւն առաջնորդող,
Ոչ իսկ հեռուն աղօտ լապտեր:
– Լուսէ՛ մեզ, Տէր:

Մարմիններուն վրայ մեզ թաց
Բոյն կը դնեն աղտոտ որդեր..
Մեր սըրտերուն մէջ մըթամած
Կը թանձրանան մեղքի շերտեր...
– Սըրբէ՛ մեզ, Տէր:

Հողին վրայ աղտոտ ու գէշ,
Տէ՛ս, հինցեր ենք ու բորոտեր.
Մինչ բուրաւետ դրախտիդ մէջ,
Կը կարկաչեն ոսկի գետեր:
– Լուս՛ մեզ, Տէր:

Անօթի ենք ու յանցաւոր
Բայց քեզմէ շա՛տ հեռու ենք դեռ.
Տաճարիդ մէջ քու լուսաւոր
Ոչ հըսկեր ենք, ո՛չ աղօթեր,
– Ներէ՛ մեզ, Տէր:

ՎԱՉԳԵՆ ՇՈՒՇԱՆԵԱՆ

ՄՇԱԿՈՒԹԱՅԻՆ ՕՐԱՑՈՅՑ

12 2022
ՄԱՐՏ

Կրկ Երկ Երբ Զրբ Հնգ Ուրբ Շրբ

		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		



ՎԱՐԴԱՆ ՈՍԿԱՆԵԱՆ
(1966)
«Մայրիկ»

Ռուսների Խաղաղ Ներխուժումը Հայաստան

Սկիզբը էջ 03

Ճիշտ է, քանի դեռ չի սպառնուել Ռուսաստանի կեդրոնական պալքի 650 մլրդ տոլարի ու ոսկու ռեզերվը, քանի դեռ եւրոպական երկրները չեն հրաժարուել ու մօտիկ ապագայում չեն կարող հրաժարուել ռուսական գազից ու նաւթից, Զրեմը դեռ կարող է դիմանալ ու շարունակել զոհեր տալ ու զոհեր խել, քաղաք քաղաքի հետեւից կործանել: Կրկնենք. ռուսների պարտութիւնը կործանիչ է լինելու Հայաստանի համար, յաղթանակը՝ հարցականներով լի: Զգիտեմ, Հայաստանում այդ ո՛ր կառավարութիւնն է խելքը գլուխը ժողվելու եւ դիմակայելու թէ՛ փորձանքները եւ թէ՛ օգտագործելու պատեհութիւնները: Առայժմ յստակ է մէկ բան՝ պատերազմի աւարտից յետոյ

Ռուսաստանը առնուազն երկու տարի տառապելու է տնտեսական ճգնաժամերից, հետեւաբար նաեւ մենք: Զրեմը վերջնականապէս թեքուելու է դէպի Արեւելք, դէպի Իրան, դէպի Զինաստան մանաւանդ: Թեքուելու այդ ճանապարհի հանգուցային մասն անցնելու է Հայաստանով եւ Արցախով, հաստա՛տ: Պատրաստ ենք դրան: Առայժմ կարող ենք հրճուել, նոյնիսկ ցնծալ ռուս այցելուների մեր ներքին շուկայում առաջացրած փոքր աշխուժութեամբ: Բայց ի՛նչ ենք անելու, երբ ոչ միայն Չանգեզուրը, այլեւ ամբողջ Հայաստանը փորձ արուի վերածել «միջանցքի»: Ներխուժումները սովորաբար խաղաղ չեն լինում:

Սակայն այս մասին՝ յաջորդիւ:

«Ազգ»

ՀԱՂՈՐԴԱԳՐՈՒԹԻՒՆ

Ազունիէի Հայ Ազգային Բուժարանին տրուած են հետեւեալ նուիրատուութիւնները:

Յովսէփ Աբրահամեան, USA	\$ 1,300.00
Նինէթ Մաալուֆ	Լ.Ո. 100,000,00
Սուրբ Էջմիածնի Տիկնանց Համախմբում	Լ.Ո. 2,500,000,00
Մինուշքա Պետրոսեան	\$ 100.00
Անդրանիկ եւ Մարի Եագուպեան, USA	Լ.Ո. 1,000,000,00
Ճոզէֆ Կանիմեան, USA	\$ 3,000.00
Վիգէն Քասսապ	Լ.Ո. 5,000,000,00
Մի Ուն	Լ.Ո. 5,000,000,00
Նորա Նալպանդեան, USA	\$ 2,000.00

Տիկին Զնարիկ Թորիկեան	Սբ. Ծնունդի Խրախճանքի Ծախսը
Տիկին Զնարիկ Թորիկեան	Օրուայ ճաշ
Վերժին Պարոնեանի Իւղաբեր Կանայք Խումբ	Օրուայ ճաշ
Տիկին Սօնա Ներկիզեան	Դեղորայք
Սուրբ Էջմիածնի Տիկնանց Համախմբում	Հումանիտար օգնություններ
Մեթր Ովսաննա Սուգեասեան	Օրուայ ճաշ

Խնամակալութիւն եւ Տնօրէնութիւն
Ազունիէի Հայ Ազգային Բուժարանի

Հայկական Լուրեր

Ազրայէճանը Կը Կրակէ Խրամորթ, Փառուխ եւ Խնապատ Գիւղերու Ուղղութիւններով՝ Օգտագործելով Ականանետեր եւ Խոշոր Տրամաչափի Հրաձգային Ձեռքեր

Ազրայէճանական կողմը հրադարարի պահպանումը կը շարունակէ խախտել Ասկերանի շրջանի Խրամորթ, Փառուխ եւ Խնապատ գիւղերու ուղղութիւններով՝ խաղաղ բնակչութեան նկատմամբ օգտագործելով ականանետեր եւ խոշոր տրամաչափի հրաձգային զէնքեր:

Արցախի ՆԳՆ Ոստիկանութենէն կը յայտնեն, որ ականայտ է, որ խաղաղ բնակչութիւնը թիրախաւորելու եւ ականանետով գիւղերը արկակոծելու հերթական փորձերը նպատակաւորուած են առաջնահերթօրէն խուճապ յառաջացնելու հասարակութեան մէջ:

ԱՀ ՆԳ Նախարարութիւնը կը հետեւի իրադարձութիւններու զարգացման եւ պարբերաբար տեղեկատուութիւն կը տրամադրէ իրավիճակին մասին:

ՅԱՄԱԿՑԱԳԻՐ

Պէյրութի Վահան Թէքեան Միջնակարգ վարժարանի Հոգաբարձութիւնը, Տնօրէնութիւնը, Ուսուցչակազմը եւ Աշակերտութիւնը իրենց խորին ցաւակցութիւնները կը յայտնեն վարժարանիս հոգաբարձութեան երկարամեայ անդամ Տիկ. Անի Պոտրումեանին, անոր քրոջ՝ Սիլվա Զիւլիէլեանի անժամանակ մահուան առիթով, որ պատահեցաւ Ամերիկայի Միացեալ Նահանգներուն մէջ:

Ողբացեալը եղած է պատուաւոր անդամ Թէքեան Մշակութային Միութեան եւ Ռամկավար Ազատական Կուսակցութեան:

Կը ցաւակցինք նաեւ Ողբացեալին հարազատներուն, բարեկամներուն եւ շրջանակին, հայցելով Աստուծոյ բարեգթութիւնն ու մխիթարանքը: Աստուածային լոյսերու մէջ հանգչի իր հոգին արժանանալով երկնային արքայութեան:

ՌԻԶԸՐՏ ԵՒ ԹԻՆԱ ԳԱՐՕԼԱՆ ՀՐԱՏԱՐԱԿՉԱԿԱՆ ՀԻՄՆԱԴՐԱՍ

Ռիչըրտ եւ Թինա Գարօլան հրատարակչական հիմնադրամի դատակազմը կը յայտնէ, թէ բացուած է 2022-ի համար Նոր գործեր ներկայացնելու շրջանը:

Հիմնադրամը կ'ընդունի սփիւռքահայ երիտասարդ գրողներու գրական թէ ուսումնասիրական որեւէ Նոր, անտիպ կամ գիրքի ձեւին տակ ցարդ չհրատարակուած գործեր, դատակազմին կողմէ գնահատուելու եւ ըստ այնմ հրատարակուելու համար:

Գրական, պատմական, բանասիրական, եկեղեցագիտական ու հայ մշակոյթի այլ կալուածները շօշափող հայերէն թէ օտար լեզուներով գրուած գործերը պէտք է դատակազմին ներկայացուած ըլլան ամենէն ուշը մինչեւ 30 Յունիս 2022:

Առաքուած գործերը պէտք է ըլլան ա) մեքենագրուած, բ) երեք օրինակով, գ) խտասալիկի վրայ արձանագրուած: Անոնք պէտք է ներկայացուին A4 թուղթի չափով եւ բաղկանան նուագագոյնը 9 պրակէ (144 էջ):

Դատակազմին կողմէ գնահատուած գործերը կ'արժանանան հրատարակութեան:

Ռիչըրտ եւ Թինա Գարօլան հրատարակչական հիմնադրամի նախագահն է՝ Ն.Ս.Օ.Տ.Տ. Արամ Ա. Կաթողիկոս Մեծի Տանն Կիլիկիոյ: Դատակազմի անդամներն են՝ Դոկտ. Չաւէն Մարդեան (ատենապետ), Դոկտ. Արմէն Իւրնէշլեան, Տեարք Համբիկ Պիլալեան, Յարութիւն Իսկահատեան, Յակոբ Լատոյեան եւ Տիկին Իրմա Տետեան:

Դիւան՝ Ռ. եւ Թ. Գարօլան
Հիմնադրամի Դատակազմի

Դատակազմի հասցեն.-

Armenian Catholicosate of Cilicia

P.O.Box 70317

Antelias – Lebanon

E-mail: chancellor@armenianorthodoxchurch.org

Խնդրանք: Կը խնդրուի սփիւռքահայ թերթերէն արտատպել:

Լիբանանեան Լուրեր

Մինչ Լիբանան Կը Տուայտի Իր Ճգնաժամին Մէջ...

Սկիզբը Էջ 01

Թերթը կը մատնանշէ, որ Սեուտական Արաբիոյ յարաբերութիւնները Ուաշինկթընի հետ վատթարացած են Պալտին վարչակազմի օրօք, քանի որ անոնք աւելի մեծ աջակցութիւն կը փափաքին Եմենի պատերազմին իրենց միջամտութեան համար եւ աջակցութիւն նաեւ Իրանի հետ միջուկային ծրագրին:

Ան յաւելած է, որ Սոհամմատ պըն Սալմանը, ըստ սեուտական պաշտօնատարներու, Նոյնպէս կը փափաքի օրինական անձեռնմխելիութիւն ԱՄՆ-ի մէջ, քանի որ այնտեղ մի քանի դատական գործեր կը դիմակայէ, այդ շարքին՝ 2018 թուականին լրագրող Ժամալ խաշոքճիի սպանութեան գործը:

Պարբերականը կը նշէ, որ Սպիտակ տունը աշխատած է Սեուտական Արաբիոյ եւ ԱՄԷ-ի հետ յարաբերութիւնները շտկելու ուղղութեամբ, քանի որ անոնք իր կողքին պէտք են այն ժամանակ, երբ նաւթի գիները մօտ 14 տարուայ ընթացքին առաջին անգամ ըլլալով բարձրացած են մինչեւ 130 տոլար մէկ տակառի դիմաց:

Ամերիկեան աղբիւրներ, այլ գիծի վրայ, բացայայտած են, որ ԱՄՆ նախագահ Ժո Պայտընի խորհրդականները կը դիտարկեն այս տարուայ զարնան Սեուտական Արաբիա անոր այցը կազմակերպելու հնարաւորութիւն՝ օգնելու վերականգնել յարաբերութիւնները եւ համոզել Թագաւորութիւնը աւելի շատ նաւթ մղել: